

北洋官報

本局第一百六期 法政學報 已出

目

宮門抄
上諭

交旨

奏請○度支部奏訂章限制官商銀行濫發票紙摺△
江督端奏商業學堂等辦法摺△又奏暨用學堂辦法
摺
公讀○督憲札一件△永平府詳一件△懷來縣稟一件
文告四則△電報六則△新開十三則

彙編○河南改良私塾章程

宮門抄

六月十四日 外務部 欽天監 侍衛處值日 宗人府引 見二名 農工商部引 見二名 理藩部引 見二名 正白滿引 見十二名 兩翼引 見十九名 內務府引 見十五名 張中

堂續假十日 松公續假五日 誠璋伺候 召見 召見軍機 誠璋 外務部遞封奏一件 又

代遞出使大臣錢恂奏摺一封 農工商部 理藩部各遞封奏一件

諭

六月十四日內閣奉

上諭本日補行召見京察一等之內務府郎中誠璋著交軍機處記名以關差道府用欽此

交旨

六月十四日 軍機大臣欽奉

諭旨理藩部代奏阿拉善和碩親王多羅特色楞呈請開濬利源呈一件著該部會同陝甘總督山西巡撫詳細酌核辦理欽此

奏議錄要

度支部奏釐訂專章限制官商銀錢行號濫發票紙摺

奏爲官商銀錢行號濫發票紙流弊無窮亟宜釐訂專章設法限制以維國法而保市面恭摺仰祈 聖鑒事竊

查東西各國發行紙幣大都統其權於中央政府委其事於國家銀行間有採用多數銀行發行之制者而印刷必由官廠準備必交國庫其他限制數目抽查虛實防微杜漸督察綦嚴至若與紙幣類似之物如支條期票匯票等類各國皆立專法以示與紙幣之區別其不載人名期限之票紙則皆一概嚴禁不准任便行用誠以一紙空據代表金銀既侵紙幣之特權更滋架空之弊害於國計民生關係甚大 國家政尙寬大事關商務向聽商人自行經理近來行號林立票紙日多官視爲籌款之方商倚爲謀利之具倘不設法限制將官款收放幾無現銀市面出入

惟餘空紙物價騰貴民生困窮其危害何堪設想上年十二月臣部具奏妥議清理財政辦法摺內令各省督撫將現設官銀錢號現在發出紙票若干準備金若干限六個月詳細列表送部等因奉 旨允准欽遵行知在案又

於上月由臣部通咨各省嗣後官商銀錢行號發行票紙未發者不准增發已發者逐漸收回等因亦在案臣等一再籌商當清釐積弊之初必當有類若畫一之法謹擬訂暫行章程二十條其間如分別種類責成担保限制數目嚴定準備隨時抽查限期收回使銀錢行號專力於存放匯兌之正業所以保信用固銀根亦預爲劃一幣制之地惟積習既深似未能一時驟加裁制故此大定章一切務從寬簡俾商人易於遵從謹將章程另繕清單恭呈

御覽如蒙 俞允卽由臣部通咨各省依限遵辦至臣部所屬之大清銀行現時所發通用銀票數目飭令稟由

臣部隨時查核至十成之準備五年之限期亦應與各官商銀錢行號一律遵守以昭信用所有籌擬限制銀錢票章程緣由是否有當理合恭摺具陳伏乞

皇上聖鑒訓示謹 奏宣統元年六月初七日奉 旨依議欽此

謹擬通用銀錢票暫行章程繕具清單恭呈 御覽 計開 第一條 凡印刷或繕寫之紙票數目成整不載
支付人名及支付時期地址者俗名鈔票銀行則例稱爲通用銀錢票均須一律遵守此項章程 第二條 凡繕
寫之票有奇零尾數或載明支付人名及支付時期地址名爲支票兌條者不必援照此項章程辦理 第三條
通用銀錢票必須有殷實同業五家互保擔任賠償票款之責方准發行惟官設行號不在此限 第四條 凡掛
幌錢鋪發行小錢票及其他紙票者如有殷實商號五家出具保結擔任賠償票款之責暫准照舊發行惟此項號
鋪除照銀錢兌換所章程呈由地方官彙案報部外其關於發行紙票之事仍遵此項章程辦理 第五條 本章
程未經頒發以前凡向來發行銀錢票之行號尙未註冊領照者限於文到六個月內趕緊備集資本呈請地方官
驗實報部註冊逾限不呈請者除限期勒令收回此項紙票外由地方官查照第十八條酌量輕重處以罰款 第
六條 本章程未經頒發以前有非銀錢行號發行此項紙票者限至宣統二年五月底止陸續將全數收回其有
於限期內不能全數收回者准其另設銀錢莊號照章註冊援照此項章程一律辦理 第七條 自本章程頒發
後再行新設之官商銀錢行號概不准發行此項紙票 第八條 本章程頒發後凡照章准發此項紙票各行號
只能照現在數目發行不得逾額增發 第九條 凡發行此項紙票各行號須將現在發出實數按照部訂表式
填送到部其現在發出實數以文到一個月內發出最多數目之日計算 第十條 凡發出此項紙票無論官商
行號必須有現款十分之四作爲準備其餘全數可以各種公債及確實可靠之股票債券儲作準備另行存庫立
賬不與尋常營業賬目款項相混以備抽查 第十一條 凡准發此項紙票各行號自宣統二年起每年須收回
票數二成限以五年全數收盡 第十二條 凡准發此項紙票各行號於限期內情願一時全數收回者准商由
大清銀行以確實之抵當物品借予低利分年攤還款項 第十三條 將來新幣發行地方凡有碍輔幣之紙票
(如制錢票銅元票銀角票等)由部臨時專案飭遵 第十四條 每月發行及準備數目自宣統二年正月起須
按月遵照部訂表式填送到部 第十五條 凡官設行號均由本部隨時派員抽查如準備數目不符或呈報不
實及有他項情弊者立稟本部查辦 第十六條 凡商設行號由各地方官隨時會同商會派員抽查如準備不
符或呈報不實及有他項情弊者報部查辦 第十七條 抽查章程由部詳細酌訂以資遵守 第十八條 凡

有違犯此項章程者輕則由地方官酌量情形處以百元以上五百元以下罰款重則由地方官逕報本部核辦第十九條 本章程係爲維持幣制保全市面起見如有藉端勒索者准各該行號逕稟本部及各該省督撫查實從嚴叅辦至商民之造謠生事者亦准稟請地方官從嚴懲辦 第二十條 本章程如有應修改或停止廢棄之時由本部臨時斟酌辦理

兩江總督端方奏陳南洋高等商業學堂辦法並將原設中等商業學堂合併辦理摺

奏爲陳明南洋高等商業學堂辦法並將原設之中等商業學堂合併辦理並動用款項懇 恩敕部立案恭摺仰祈 聖鑒事竊照江甯省城創辦南洋高等商業學堂附設銀行專修科及稅則保險各科等情經奴才於光緒三十四年三月二十七日附片奏明奉 硃批學部知道欽此嗣准部咨飭令照章辦理自係爲畫一學制

起見奴才惟銀行稅則保險三科誠爲商科大學專門際此商戰時代三項學科實握全國財政實業最要之關鍵中國於此項人才最爲缺乏現在競爭劇烈需用尤殷現經詳訂課程遵照高等本科科目加授各專門學問於定章雖微有出入然分科肄習則心志專一程功自易收效自速查上年度支部會同學部奏設財政學堂并另設稅務專科銀行講習科以養成稅務銀行之人材部臣洞明時局故能辦法扼要堪應急需江南暫設銀行等科亦係爲目前變通之計揆諸部臣用意似尙不相刺謬此項專科原訂二年畢業未便援案請獎現飭展長一年與法政學堂別科年限相同所有肄業專修科三年畢業各生擬請比照法政別科請獎并由奴才分別咨送度支部農工商部稅務處考驗以備任使而資鼓勵又查部章高等商業學堂分豫科本科該堂除開辦專修科外並遵章開辦豫科查上年部頒各學堂招考限制章程內載高等學堂自戊申六月爲始不准招考未經各中等學堂畢業之學生等語此項豫科生係由中等商校撥入其中等商校本科係在戊申正月應請以入中等本科之年月作爲入高等豫科之年月所有原定豫科一年現飭遵照部章展至三年以厚根柢又查部章實業教員講習所有商業一種並就該堂附設商業教員講習所以爲將來推廣中等商業及初等商業之豫備此辦理高等商業學堂之情形也奴才於光緒三十年署督任內曾飭由商務局司道撥款訂章就該局餘地建設中等商業學堂一所先辦豫科二年畢業升入本科三年畢業咨部有案現查以商學之階級言之則高中兩等均有需用之途以本省之情形論

之則高中兩校應以合併爲便當經檄飭委辦江南商務局道員將南洋高等商業學堂與江南商務局原設之中等商業學堂合併辦理定名爲江南高中兩等商業學堂校舍但稍事增添管理則倍形利便分科講授教員可酌予省併循序推升學生亦易形感奮中等商校本隸屬於商務局現在兩校併辦即以該局總辦兼充監督就近主持一切所有經費分飭財政商務釐捐官錢局隨時籌撥濟用此高中兩等商業學堂合併辦理之情形也茲據該道詳稱遵將高中兩等商業學堂妥爲歸併籌設各專修科兼辦教員講習所分別延訂教員陸續添招學生按照表例科目分班教授並將各項章程課程表一併詳送所有高中兩等歸併開辦費銀二千九百七十兩添建校舍工程銀六千五百兩添置校具銀八百六十兩又高等常年月支經費銀二千一百五十餘兩中等常年月支經費銀一千三百四十餘兩請准照案籌撥作正開銷並予奏咨立案等情前來奴才惟江南富揚子流域之衝民物殷繁舟車利便互市以來實爲各國商人貿易必爭之點以華商墨守舊習故步自封遂至生計日艱利權外溢若不及早研求商學懼無以操勝算而杜漏卮近來江南財政支絀異常此事爲興商根本無論如何艱窘未可置爲緩圖覆核算表開列各項均係核實支用毫無浮濫應懇 天恩俯如所請作正開銷實於興商育才大有裨益除分咨度支部農工商部學部稅務處查照外所有陳明南洋高等商業學堂辦法並將原設之中等商業學堂合併辦理并動用款項懇 恩敕部立案各緣由理合會同江蘇巡撫臣瑞澂恭摺具 奏伏乞 皇上聖鑒訓示謹 奏宣統元年六月初九日奉 硃批該部知道欽此

兩江總督端方奏暨南學堂籌定畫一辦法添撥經費摺

奏爲甯省暨南學堂籌定畫一辦法添撥經費畢業後並請從優給獎酌派官費以慰僑情恭摺具陳仰祈 聖鑒事竊照甯省開辦暨南學堂緣由及籌撥經費辦法歷經奴才奏咨在案據署理江甯提學使陳伯陶詳稱該堂現收學生一百六十七名學科規則漸臻完備辦理已有成效惟華僑子弟嚮學情殷據爪哇各董事來函下學期續至者約共七十餘名此後隨時內渡數難豫定來學各生年齡不一程度參差亟應豫爲規畫定一持久辦法現擬限定額數五百名足額以後不復增收仍暫分中學及高等小學兩級一自華僑自辦兩等小學畢業後內渡就學者皆高等小學畢業學生始准升送屆時該堂即改爲完全中學不再附設高等小學目下該堂每年額支活支

各經費約共二萬八千餘兩將來添足學額五百名每年須六萬餘兩建築校舍添置校具各項又須另爲籌撥請查照原案奏懇由閩海粵海江海各關分撥作正開銷並稱華僑子弟去國萬里不憚重洋跋涉聯袂來歸將來中學畢業應得獎勵請照奏定章程變通從優給獎並擇學力較優各生選送西洋留學酌給官費其自費生之貧乏者亦請酌加津貼等情詳請奏咨前來奴才查華僑出洋謀生世羈異域幸荷 皇仁遠被撫慰優加遂動其喁喁內向之心各遣子姪擔簦請業計自該堂開辦以後凡一切用項經奴才奏請均荷 天恩俯准曲予栽培該僑民等挾鬪淪肌益復聞風興起惟是懷遠固以招徠爲要興學須爲久遠之圖該司所請現在限定名額將來改成中學係屬因時制宜力求畫一辦法名額推廣經費增添請援案由閩海粵海江海各關分任籌撥作正開銷亦係實在情形合無仰懇 天恩俯如所請實於昌明國學維係僑情大有裨益至該堂學生中學畢業應如何從優給獎酌派官費之處併懇 敕下學部核覆施行除咨部外所有甯省暨南學堂籌定畫一辦法添撥經費畢業以後並請從優給獎酌派官費各緣由謹恭摺具陳伏乞 皇上聖鑒訓示謹 奏宣統元年六月初九日奉 硃批學部議奏欽此

公牘錄要

督憲那札飭天津商會華洋商定貨欠款事宜文

爲札飭事據洋貨商人倪福慶等稟稱竊津埠向稱商埠華洋交易生意日多而洋貨一行尤爲十之七八向來天津洋貨舖在上海安莊現銀辦貨後因洋商漸有運貨到津者亦有赴下行定貨大約照賣物章程陸續起貨陸續付銀各行賒給洋貨舖各舖又賒給外客於是生意興隆街市活動自庚子遭亂各洋貨舖被燒被搶於元氣大傷加以銀色貼水吃虧甚鉅力已不支而猶勉強支撐因各行定貨章程起貨兩三個月付銀藉此彌補舊債累又開張生意遂紛紛爭赴洋行定貨家數日多行情日跌本係賠累不堪又貪作生意以爲將來彌補之計論當日訂購洋貨原係起棧後兩三月交款旋因積欠過重各洋行忽然變章改爲現銀起貨華商因無現銀不能起貨洋商因不起貨照欠款例逐日加息并各洋行自行貶價轉沽而賠款仍向定貨之華商索要故積此實空息銀賠款遂成一千四百萬鉅數從此各洋貨舖因各洋行現銀起貨與外客交易亦全講現銀查津埠乃九河下游五路通衢本

係流水貨物除賬碼頭若出入全要現銀外客因無銀皆不來辦貨況洋貨行又居多數一行滯銷各行亦因而蕭疏此津埠一埠破壞之所由來也各洋行向洋貨舖要銀各洋貨舖亦向各外客要銀各洋行因屢討不償紛紛送追各洋貨舖亦惟有追欠還欠所有會票提人關文傳人各案件無日無之此津埠一處查封破產層見迭出而各省各府州縣以及四鄉八鎮相連倒閉亦不一而足此華商全局破壞之所由來也各洋行運貨不與銀行通融即與工廠拉欠各洋貨舖拖欠貨款不還各洋行多半齊賬收市而銀行亦不敷週轉各工廠亦停滯不銷此全球華洋商務破壞之所由來也商等爲華洋交困全局起見迭赴各大憲據實陳明呈請保救善法仰蒙前直隸督憲屢與總領事及各領事會商辦法立有華洋商務理事會華洋各派專司正在開議籌辦尚無效果突然奉到楊大帥驚耗商等哀感交加手足失措有如嬰兒之喪父母竊議首倡無人誰復爲倒懸之解誰復爲水火之拯幸逢我相國大人蒞任之初政治革新百廢俱舉查此項華商洋商交困情節前在京畿商等早經呈訴所有華洋理事會設立原因其中有賴維持之力居多想憲台以平素常施補救之良方一旦歸爲措施之正用定必得心應手大有一番展布則華洋商務轉危爲安者當在指顧間矣商等不勝祈求禱祝真有如望歲望雨之思本應下車伊始即行攀轅籲訴未奉到放告牌示故遲未敢躁瀆茲不揣冒昧遂公同籲懇憲台垂憐拯救於理事會設法籌畫保全如何以善其後如何以繼其成必使津郡洋貨舖無一家不資補救無一號不賴扶持既保華商身家性命復爲洋商濟急扶傾天津幸甚華洋幸甚爲此叩乞恩准施行以顧全局而保商務實爲德便等情到本署閣大臣據此合行札飭札到該商會即便查照妥辦此札

永平府恩守佑詳查明臨榆縣現無私設煙館聚賭情事文並批

爲詳覆事宜統元年四月十八日蒙 憲台札開爲札飭事照得本部堂訪聞永平府臨榆縣之北戴河沿海一帶
有劉莊草廠二莊尚有開設煙館並設局聚賭情事現在禁煙 功令森嚴豈容私自開設至賭博一端亦屬有妨
生業亟應嚴行查禁究辦以保治安除分行外合行札飭札到該府即便遵照嚴行查禁究辦具報此札等因蒙此
卑府遵即密委分郡差委試用從九品陸再興改裝易服不動聲色前往劉莊草廠二莊地方嚴密查察如有開設
煙館並設局聚賭情事訪明姓名即赴臨榆縣知會馬令立即拘案懲辦去後旋於是月二十四日奉禁煙總局札

同前由又即行縣遵辦茲據陸從九會同署臨榆縣馬令慶麟稟稱竊卑職再興遵即束裝起程於四月二十八日馳抵臨邑北戴河之劉莊草廠二莊地方改裝易服不動聲色嚴密查得草廠莊有無照售煙之徐金柱業由臨榆縣馬令遵奉 督憲札飭拿獲訊辦在案其餘附近各地面現在尙無私開煙館及設局聚賭情事復經赴城詢諸卑職慶麟核與卑職再興所訪無異除仍由卑職慶麟將傳獲之徐金柱照章辦理暨隨時認真稽查嚴辦外所有奉委密查緣由理合會稟查核等情前來卑府查該處既有無照售煙之徐金柱一名已經由縣拿獲究辦則餘皆警懼據稟現無私開煙館以及設局之人自屬可信除仍飭臨榆縣將拿獲之徐金柱一犯照章究辦一面隨時認真訪察拿究所有遵飭委員會縣查覆緣由擬合具文詳覆 憲台查核爲此備由繕冊具呈伏乞 照詳施行 督憲那 批據詳已悉仰禁煙局即飭該縣隨時嚴密稽查務期有犯必懲以符禁令毋稍疏縱並飭將徐金柱一犯照章究辦暨行該府知照繳

懷來縣王令忠騰稟查明民人私種罌粟現在傳辦文並批

敬稟者竊查前蒙 憲飭自宣統元年起一律禁種罌粟不准地有寸草等因仰見 憲台痼疾在抱力除民害之至意凡屬下僚欽佩莫名遵即差傳各該村正副地戶到案曉以利害陳以得失並令廣爲勸諭一律改種與罌粟利息相埒之藍靛麥苗以裨小民生計並出具永不復種罌粟甘結卑職誠恐鄉愚尙未周知復經迭次出示嚴禁挨村張貼俾得家喻戶曉毋蹈法網當將辦理情形稟明在案一面由卑職隨時親往四鄉勸查以期盡絕根株茲於四月十三日勸查至縣屬杏園村民人趙懷文等地內違禁私種罌粟當經卑職督同丈量共計栽種罌粟地四十九畝三分查明係趙懷文等四十戶栽種多寡參差不一除將地畝飭令該村鄉保看管飭差將種煙較多之戶傳案照章酌量罰辦另行稟報並仍由卑職逐村親詣勸查外所有查明卑縣民人趙懷文等私種罌粟現在傳辦緣由理合馳稟 中堂查核再卑縣現辦巡警教練所無款可籌所有此案罰款應請留歸卑縣以充創辦教練所經費合併聲明肅稟恭叩 鈞安伏乞 垂鑒

督憲那 批據稟已悉該縣民人趙懷文等私種罌粟殊屬玩違自應照章罰辦仰禁煙局飭縣查明核議詳覆飭遵至此項罰款應否留充該縣創辦巡警教練所之用併即核飭遵辦仍移警務處知照繳

文告錄要

督憲批示錄要○運司詳西河善後公司草帽辦免納稅釐請咨行由 批據詳已悉仰候咨會山東撫院並分行
津海關道天津釐局天津南北段巡警總局天津保定以南府州轉飭各局一體查照驗照放行此繳○景州軍
牧晉鈺稟州境西南龍華鎮巡官馬蔭桐玩現警章擅棄職權業已撤差另行調派試充請示由 批據稟該州
西南巡官馬蔭桐玩視警章擅棄職權應即撤差至所遺巡官請以胡錦瀾等遞充仰警務處核飭遵照此繳
學台牌示○為牌示事案照節交大暑天氣酷熱本日場內頗多觸署之人亟應酌改考試時間以避炎氣而免受
病茲定選拔次場自本月初十日起每場均於隔晚八點放頭砲九點二砲十點三砲點名給卷該考生各按名
牌先後準時聽點務於是日午刻十二點齊卷淨場查考拔次場本祇四書五經義各一篇視頭場論策三藝多
少迥殊不難從速完卷應各恪遵切勿自誤特示

保定工巡總局批示○清苑縣警務第一班速成畢業生蘇兆鯤具稟一案 批據稟已悉候有相當差缺酌量派
委可也

清苑縣告示○照得這兩日天氣異常炎熱城鄉各處有來報受熱身死的也有沒來報案本縣聽見說的實在悲
憫今檢古時經驗良方曉示大眾俾知灌救以重人命而資衛生各方列後 蒜頭兩個研爛取路上熱土再用
新汲井水和勻服之甚效 又豆葉搗汁飲服亦效 又凡偶然昏倒名爲中熱萬不可用涼水灌救急宜用稻
草或麥稽紮成一團圍置肚臍上再取道旁熟土多撒上中間在肚臍適中地方溜一過令人用熱尿灑上使溫
氣入腹即醒 又方皂角燒存灰生甘草共爲末溫水調服 又方草紙捲成筒薰鼻孔久之即愈 又方檢好
黃土地掘一坑約一尺多深用井水或河水傾入坑內用大棍連攪數十下取水略澄清服之立愈 以上六方
古書均載凡人遇有此等猝然中暑昏倒的便可擇當下最利便的東西施救亦是保存公德濟世良醫想爾居
民人等可記本縣這話爲河漢罷此示

電報錄要

路透電○駐西班牙京摩國委員刻已返國日內摩國之巴斯羅納城有將被圍攻之說西國所屬之喀拉羅尼亞

省工黨全行同盟罷工以期反對戰事

又電○比利時國王接見紐約新聞報代表員時宣言彼之宗旨逆料中國明年於經濟上之擴張必有良好之把握惟望吾比能從旁贊助之

又電○聞俄京聖彼得堡消息土耳其皇擬於西本年九月間在俄國里瓦的亞地方拜訪俄皇俄皇即於西本年

十月赴那布勒斯(義國之南省)與義皇相會時順便答拜土皇

又電○法國議會提議新內閣之信任以投票法取決計贊成者二百零六票反對者四十六票

又電○據本社駐加拿大通信員函稱克里德島守衛砲台軍營現已盡懸希臘國旗

柏林電○駐屯克里德島列強之軍隊刻已撤退離去該島

又電○風聞英皇與法總統有擬於西本年八月十八日相會之說

新政紀聞

政治

籌備自治公所開成立會○江蘇常州武陽籌備自治公所日前在商會開成立會兩大令及職員均蒞會議決調查戶口事宜暫併於該公所(調查戶口之職本屬於地方董事會現在董事會尚未成立故以籌備自治公所諸人兼辦)即以所長為調查長由兩縣加照會其調查入手方法擬將城內十八坊廂(四鄉另議)劃分為東西南北四區月費共約一百元左右另行籌措但城外坊廂與鄉毗連不若城內之易於區分擬先行派人分路調查某街某市屬於某坊廂一一劃清界限以便歸入某區刻已派定梅君介節往東門調查于君瓊懷往西門調查陸君新吾往南門調查史君醒齋往北門調查

鄂省組織憲政研究所○鄂督陳筱帥現擬設立憲政研究所按期與司道等官到所研究籌備憲政事項業經勒定督署對面之積案庫改為研究所該庫則遷入署內西偏空屋已飭善後局估工撥款量加修飾以便開辦日前本任蘄州查牧雙綏本任黃陂縣董令治勳候補知州何熙年黃仁英知縣鍾應同等五十二員得信後遂擬假停辦之圖書館自組同官憲政研究會為凡湖北同官之不應入學堂與差缺之不便入學堂者討論憲政之

所已將所擬章程具稟督院立案當奉批云查現行考試外官章程祇取列三四等者例入法政學堂肄業是入學者十之一二不入學者十之八九設使身膺司牧智識迄未充周其何以張揆新猷奉宣德意該牧令等有見及此聯合同志創辦憲政研究會條理秩然簡章亦尙明晰應准其如稟立案惟圖書館能否借用候提學司查明詳覆飭遵

學務

旅京廣西學堂招生○京師宣武門外北柳巷廣西中學堂擬於暑假內再招中學一班以曾習英文地理爲合格不計額數無論本籍客籍均可報名定期考試暑假後上課

學務研究會閉會○奉天提學司自前月二十九日傳集各屬士紳開學務例會迄今已逾一星期所有議案十八條均逐次研究定妥劃一辦法已於初七日閉會

裁併五路高等小學○鄂督陳筱帥以省垣五路高等小學諸堂皆由各屬申送考取近年各屬亦均設有高等小學而且多不足額茲聞擬將五路一併裁撤至於未滿三年級學生均發給修業文憑仍分赴本籍高等小學肄業其裁撤各堂每年經費即撥作開辦女師範經費昨已札飭提學使迅速查覆其中有無防碍以憑核奪

軍政

修築 禁衛軍更番所○京師 禁衛軍王大臣擬在外西華門內設立 禁衛軍馬隊更番所現已興工修建一俟馬隊練齊後即分別派撥更番守衛云

籌議講武堂之獨立○奉省陸軍講武堂前因籌款維艱不得已暫時設立於陸軍小學堂內茲聞錫清帥已與督練處總辦等議定准將該堂分出獨立並有准於八月間開辦之說

巡緝隊分界巡緝○蘇省巡緝隊分中左右三隊中隊四十人左右各三十人在省城巡緝並不畫分界限以致雜亂無章現經右隊官劉文福擬分閩胥二門爲一路上旬歸中隊巡緝盤葑爲一路歸左隊妻齊爲一路歸右隊各分界限認真巡緝猶恐日久生弊以旬日爲一期輪流更替以專責任業已稟准上憲於初一日開辦矣

商務

洋貨商業會社開成立會○江蘇上海洋貨同業向未結合團體商情渙散現由錢德潤李柱有孫少甫王選堂四君墊款在英租界大馬路創立洋貨商業會已於上月初試辦同業集股甚為踴躍二十四日為選舉之期公推孫君總理其事今定於六月初二日下午二時開成立會

商務總會第一次選舉大會○安慶各行商前以商務總會總理宋德銘協理胡遠勛不洽商情由紙業鳳大成領銜聯名公呈撫院另舉總協理奉批照准遂刊佈傳單訂於上月二十七日假座明倫堂開商務總會第一次選舉大會是日各商赴會者約五六百人請先由代表主席程柳風宣佈開會宗旨次由書記沈竹筠報告一切以選舉總協理諸君今日宜反覆斟酌慎毋為宋胡二君之續次宋寶田報告部章所訂總協理之資格並略陳意見次路闖村演說選舉辦法衆皆鼓掌歡聲雷動遂發選舉票各商人相持爭議未決周君兆熊即離席而言曰商務總會係由各行商集合而成此種大團體今日選舉辦法宜先由各行商各選舉一代代表然後再集各代表續行推舉總協理以總其成綱領一清始得端倪則總理何患舉非其人衆拍掌稱善無如票已投齊遂作罷議旋當衆開票一一宣佈畢當選者以路琪光六十六票為最多數次張杏書五十三票再次許汲三三十一票蔡錦堂三十票

實業

保護林業之辦法○日前江甯督中協何雪門副將具稟督院請酌撥衛生隊保護林業一案經督院飭由江南公團辦事處司道等議覆以衛生隊兼管林業恐不敷分布擬請將省城內外林業概歸該團經管酌派員司丁役責成料理需用經費即在官樹花息項下開支另撥巡防隊一隊交由該團派員教習專任栽植巡護事宜薪餉仍由營發給將來酌提餘利獎賞江督因照此辦法有興業之利而無籌費之勞已批准札飭江甯巡防隊統領酌量派撥由該員隨時妥籌辦理

飭助蠶業學校經費○上海女子蠶業學校經理史家修現因經費支絀具稟江督請撥月捐茲奉批示云查蠶業學校為振興女界實業最要之圖若以款絀停辦勢必前功盡棄殊為可惜仰蘇松太道查照前次批指移緩就急量為補助萬勿再延

一勸塾師在研究所急研究算術及體操

二勸塾師及塾東以添購墨板有益教授且購製甚易

三勸以學生面先生座之有益於學生且教師便於講受

四勸以逢年期舉行攷試之足以驗學生進步且長其學問上之競爭心必日益勤奮

第十五條 第二步改良後勸法如左

一勸塾師速研究歷史及地理格致各科

二勸塾師以一切教授管理遵初小學章程

三勸塾東以添置器具但求適用不須多費

四勸塾東以出賃製器數在五十千上者得稟由地方官詳請獎勵

第十六條 各員按區勸導不可因進步之緩生鄙棄心尤不得因他項事故生排斥心

第十七條 勸學總董應於暇時擇往數區親勸以昭鄭重且驗勸學員之勤惰

第五章 考查

第十八條 勸學員分任考查之事將本管區內按期列表送勸學所勸學總董得任擇數處覆查之省視學到時

總董將全屬攷查表彙呈省視學得任擇數處覆查之攷查表式附後

第十九條 第一步合格者勸學員報告勸學所認為有志改良之私塾稟由地方官保護不合格者仍勸其設法

改良

第二十條 第二步合格者認為改良之私塾並稟地方官作為簡易小學附屬於本區初等小學年攷時由本區

小學一律發給修業證書得有此項證書者准其轉入他項年級相等之初級小學期滿亦准其附入本區初等

小學一律卒業惟欲入高等小學仍須補習歷史地理格致各門不合格者仍勸其逐漸改良俟下次再行攷查

第二十一條 第三步合格後由勸學總董稟地方官須給私立小學公立小學等匾額年攷時得由各塾自發修

業證書畢業時稟由地方官派員會同攷試照章給予畢業文憑與他項初等小學毫無歧視准其分別程度考

升高小或中學預備科在十人下者雖得名爲公立或私立小學畢業時仍須附入本區初等小學一同攷試不
合格者勸其逐漸改良俟下次再行攷查

第六章 研究

第二十二條 研究分爲職員研究及良師研究職員研究遇凡關於改良重要事由勸學所及教育會各員研究

辦法是也塾師研究係勸學所召集各塾師研究一切改良教授等方法是也

第二十三條 塾師研究分爲三種一夜班研究二星期研究三暑假研究

第二十四條 城鎮人煙繁密私塾在十數以上者應設一研究所於每晚課畢時召集諸塾師到所研究如雖係

城鎮私塾較少必約附近數里內各塾師共同研究者則改爲星期研究其地方寥寥私塾甚少必須合數十里
內外塾師共同研究者祇可用暑假研究

第二十五條 研究必須有人擔任講演或由職員並任或請附近學堂教員擔任略酌以薪金

第二十六條 勸學所必須設一研究所各鄉酌量情形分設或數區共設一所或一區獨設一所由勸學總董商

勸學員及學董組織之

第二十七條 研究分爲兩期第一期研究者爲教授法管理法算術體操第二期研究者爲歷史地理教授法及

最淺近之格致兩期後考試合格由勸學所給以文憑准充本屬初等小學教員

第七章 期限

第二十八條 限此章程頒到二個月內各區一律調查完竣五個月內第一步應行改良事件必須實行一年內

第二步應行改良事件必須實行二年內第三步應行改良事件必須實行

第二十九條 私塾能於第一步改良期內實行第二步改良及於第二步改良期內實行第三步改良者應特別

酌獎勵學員能勸令本管區內私塾於第一步改良期內實行第二步改良及於第二步改良期內實行第三步

改良者由地方官稟請學台將該屬勸學出力各員擇尤擢用

第三十條 各區私塾能如期實行改良者應酌獎該區勸學員全屬私塾均能如期實行改良者應酌獎全體勸
學員并由地方官稟請學台重獎勸學總董

宛若少年 ○廣東綢緞商年六十有五歲身體衰弱風溼骨痛為韋廉士大醫生紅色補丸所治愈 韋廉士

大醫生紅色補丸無論男婦老幼均屬相宜能使精力枯耗諸多疾病之老人生長新力而得精神充足身體強健
又使患病痿瘠之小孩而得肥胖有力面有色澤更使諸多無嗣之男婦一服是丸而得宜男之歡樂韋廉士大醫
生紅色補丸所以能治諸疾者並無特別之秘訣以其有使血有力使血潔淨二者相合之功用耳蓋大凡清血之
藥瀉劑居多反使身體軟弱而韋廉士大醫生紅色補丸實能蘊釀潔淨康健之新血俾全體賴以滋補而得生活
其所生稠紅有力之血為驅除身體一切之病使衰殘軟弱各部而得復原康健有力焉試觀廣東著名之綢緞商



廣東姚君藻庭
君藻庭
身體衰弱
弱瘋濕
骨痛為
韋廉士
大醫生
紅色補
丸所治
愈

姚藻庭君曾患身體衰弱因血淡薄若水所致瘋溼骨痛因血有毒而
含酸質之故而得韋廉士大醫生紅色補丸所治愈姚君年六十有五
歲為廣東高第街十三號有興隆綢緞莊之東翁嘗自述其顛末云○
余於五六年每屆冬令左臂因患瘋濕疼痛異常手不能舉屢受如
此慘苦恍被惡魔所牽拽去歲尤覺更甚余嘗以韋廉士大醫生紅色
補丸作補藥服之極不思想治余瘋濕骨痛之症又曾診視多醫皆云
如此衰年抱此夙疾終難醫治不謂余所購得之韋廉士大醫生紅色
補丸連服之下竟將余疾日減一日甚覺奇異又余胃本弱今覺轉強
恍使余年減輕十載宛若又成爲一少年矣余非好爲誇張因自覺
胃口強健手臂靈活心甚樂之自思因身體軟弱而服韋廉士大醫生
紅色補丸不意竟將數年痼疾一日全愈即余所患之瘋濕骨痛是也

余甚願韋廉士醫生藥局隨意採錄余之保證書以證是丸之妙用也韋廉士大醫生紅色補丸亦如治姚君者醫
治無數患病之人以潔淨稠紅之新血充盈血管使氣力運行於筋絡肌肉之間且曾醫治 身體衰弱 少年斷
傷 陽萎不舉 以及一切因血衰弱所起諸症即如 血薄氣衰 胃不消化 筋絡刺傷 豬羊癩癩 風溼
骨痛 腎骹痠痛 山林瘴氣 腳氣衝心 左癱右瘓 又治婦女一切所患諸症莫不奏效如神焉○中國各
處商店藥局凡經售西藥之處均有代售或直向上海九江路B字第八號 韋廉士醫生藥局總發行處購買亦
可 價銀每六瓶大洋八元每一瓶大洋一元五角 遠近郵費一律不取

本局印售各種書籍圖畫目錄

澄衷學堂字課圖說
 天文歌略
 地理歌略
 地球韻言
 小學韻語
 蒙養學堂百課
 最新初等小學國文教科書
 初等中國歷史教科書
 心算初學
 最新初等小學筆算教科書
 初等小學筆算科書教授法
 忠經
 英文舉隅
 東文典問答
 地文學問答
 皇朝政治學問答增校初二編
 節本泰西新史攬要
 筆算教科書
 數學上編
 普通新智識課本
 中等植物教科書
 中學礦物教科書
 高等小學博物教科書
 生理衛生學
 化學教科書
 中學地理中國誌

八本洋二元
 一本洋三分
 一本洋一角五分
 一本洋二角
 一本洋一角五分
 一本洋四分
 一本洋三角二分
 一本洋一元
 二本洋一元五角
 二本洋四角
 合售洋三角六分
 一本洋五角
 一本洋二角五分
 一本洋二角五分
 一本洋二角五分
 二本洋五角
 二本洋五角
 二本洋一元二角
 二本洋四角
 二本洋四角
 二本洋七角五分
 二本洋七角五分
 一本洋四角五分
 一本洋三角五分
 一本洋三角五分
 一本洋一角五分
 四本洋六角

植物學教科書
 皇朝政典舉要
 萬國憲法比較一本
 法學通論
 萬國通商史
 新爾雅
 康熙幾暇格物編
 周禮政要
 明東待訪錄
 普通教科書目提要
 科學書目提要初編
 心算教授法
 萬國公法提要
 甲辰年學報彙編一百種
 乙巳年學報彙編
 丙午年學報彙編
 全年學報彙編
 農學新書三十五種
 日本栽桑法
 美國養雞法
 農務述聞
 畿輔輿地全圖
 御製耕織圖
 朝鮮輿地全圖
 地球開闢次序圖
 平圓地球圖
 東三省鐵路全圖

一本洋二元五角五分
 四本洋五角
 一本洋三角五分
 一本洋七角
 一本洋二角
 一本洋二角
 一本洋四角五分
 二本洋四角
 二本洋六角
 一本洋二角
 一本洋二角五分
 一本洋一角五分
 一本洋五角五分
 一本洋三角五分
 四本洋一元
 五十本洋二元七角
 四十本洋四元二角
 廿四本洋四元八角
 卅二本洋五元六角
 一本洋一角二分
 一本洋四角
 一本洋三角六分
 六扇屏洋二元
 二册洋五角
 一册洋一角
 一册洋一元
 三十二張洋一元
 一張洋八角

新 啟 告廣司公限有灰洋



啓者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

得利洋行

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁鑽石戒指留耳墜鐲子表墜大小八音盒並留聲話匣單雙桶千里眼砭蘭磨花穿衣鏡妝梳洋鐘

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 鑲化屏風鏡額 磁銅料器瑤藍 奇巧美術玩器 學界文房用品 旅行携帶等件 精工製身物料 疋織各色唐氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會甯碾伯及各上司又先後報災邊地高寒水泉素乏童山彌望生植不饒一遇旱乾即成凶饉現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃糧價日增麥已漲至每石三十六兩稻草已漲至每斤二十七文視向來不啻十倍伏念甘省僻在西陲地瘠民貧蓋藏本鮮此番被災時則再有三四年之久地則數十州縣之廣人則百數十萬之多雖督臣奏上朝廷曾撥帑金六萬散諸災區勢難徧給非有巨款接濟何能救此哀鴻夫天災流行國家代有救災恤義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民為甘民計未嘗非為全量計也現上海諸公已發起賑會無非出於愛國愛民之苦心同人復敢為甘民請命敬懇仁人君子慨然解囊奇該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恒裕金店
天津獅子林北洋官報總局

津紳籌募甘賑公啟

敬啟者甘省僻處西陲連年苦旱蘭涼各屬被災尤甚今春兼以雨澤愆期荒旱日亟小民賣兒鬻女覓食維艱以至草根樹皮剝掘殆盡人畜餓斃慘不忍聞甘省督藩乞賑各省函電紛馳雖經奏請朝廷發帑賑恤然災區較廣偏給維難凡屬同胞詎宜膜視敬啟樂善君子酌解囊餘不拘多寡吾人盡一分義務甘民活一分性命倘蒙允許請將該款送交北門內大宜門西引善社賬房代收擊取收據俟集有成數再由同人登報公布並公同提交甘省籌賑處匯寄災區以資散放甘民幸甚

發起人 劉恩渠 戴元樹 吳國蕃
贊成人 蘇景昌 蕭祖燦 郭漢章

速救災黎

敬告者現值甘肅省亢旱異常赤地千里小民直有易子為食之慘狀不忍聽聞亟應勸辦義賑以資協濟如蒙諸大紳商善長慨捐賑款請送至北馬路商務總會擊取收據以便彙解災區散放拯救災黎不勝盼切之至此佈

天津救急善會謹啟

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

京奉鐵路局廣告

啓者本鐵路天津至北京又塘沽至胥各莊各段內應行剝換舊道木約有一萬八千餘根其餘各段約有三四萬根現擬投標出售如願購買每根出價值若干開列封在信封內寄交本局華收支處彙齊定期開標特此佈聞
京奉鐵路局謹啓

京張鐵路局廣告

啓者現因山水瀑發由沙河至南口青龍橋來往之車暫行停駛此佈
京張鐵路車務處啓

減價賣字全數助賑廣告

僕寒士也向藉賣字度活今甘省荒旱異常慘厲狀日來紳商醫學各界紛紛倡議助賑接踵繼起實繁有徒殊堪欽佩僕一介窮儒願效綿力明知杯水車薪無裨時局然義務所在不敢不勉茲擬由六月初十日起結至九月初十日止計三個月仍仿上年江北水災賣字助賑辦法此次并照僕曩日原訂潤格切實核減以期簡捷易舉所得潤資全數匯解災區聊資補救如蒙賜件請送交北馬路華勝燭皂公司或舊北門內永泰合洋貨舖及東南城偶保德藥店代為交收潤資先付五日取件茲將酌減潤格列左

七言楹聯三角
四尺挑山八角
六尺屏幅四扇六角
名戳一角
附扇四角
密股不書

章武願連城謹啓